

Ingerlariaqqiffiusumik ilinniarfinni naammassinnittarnerit

Kisitsisaataasivimmi ilinniartut ilinniakkamik aallartitsinermiit ukiut 1-10 qaangiunnerini ilinniarnermi killiffiinut tabelit saqqummersinneqarput. Ilinniartut ilinniakkaminnik naammassinnissimasut ilinniakkap aallartinneraniit ukiut quliut tungaannut qaangiunnerini agguaqatigiissillugu naammassisarnermut procentiat tabelinit kisinneqarsinnaalerpoq. Tabelit siornatigut ilinniakkankik unitsitsisartut tabeliinut taarsiissutaapput.

Tabelini ilinniarnermi killiffiit naatsorsukkat tassaapput:

- Ilinniakkami pineqartumi aallartinneqarsimasumi killiffik
- Ilinniakkap qaffasissusaani aallartinneqarsimasumi killiffik

Tabelimi kingullermi ilinniartut ilinniakkap qaffasissusaani ataatsimi ilinniakkap sammivianik allanngortitsisut sillimaffigineqarput.

Saqqummersitami ingerlariaqqiffiusumik ilinniakkat kisimik pineqarput. Inuuusuttunut ilinniarfinni naammassinnittarnerit pillugit saqqummersitaq www.stat.gl -imi takuneqarsinnaavoq.

Ilinniakkamik aallartissimasamik naammassinnittarneq

Ingerlariaqqiffiusumik ilinniarfiit ilinniakkankik naatsunik nalinginnaasumik ukiunik marlunnik sivisussusilerneqarsimasunik, ilisimatusarluni bachelorinngorniarnernik ukiunik pingasunik sivisussusilerneqarsimasunik, professionsbachelorinngorniarnernik ukiunik 3,5-4-rinik sivisussusilerneqarsimasunik kandidatinngorniarnermillu ukiunik marlunnik sivisussusilerneqarsimasunik imaqarput.

2013-imi ilinniakkamik aallartitsimasut amerlanersaasa ingerlariaqqiffiusumik ilinniagaq naatsoq aallartissimasartik, 2012-imi ilinniakkamik aallartitsimasunut sanilliullugit, naammassisimavaat. 2013-imi ilinniakkamik aallartitsinermiit ukiut sisamat qaangiunnerini naammassinnittarnermut procenti 14 procentinik qaffariaateqarluni 59 procentimut qaffassimavoq. Ilinniakkamik aallartitsimasut affaannit amerlanerusut, 53 procentii, ilinniakkaminnik ukiunik marlunnik sivisussusilerneqarsimasumik naammassinnissimapput.


2012-imiit ilisimatusarluni bachelorinngorniat naammassinnittarnermut procentiat ingerlariaqqiffiusumik ilinniakkat akornanni appasinnerpaavoq. Aallartitsinermiit ukiut pingasut qaangiunnerini 11 procentiisa ilinniagaq aallartissimasartik naammassisimavaat. Ukiullu tallimat qaangiunnerini 24

procentiisa ilinniagartik naammassisimallugu. Ukiup siuliani ilinniakkamik aallartitsisimasunut sanilliullugu naammassinnittarnermut procenti 8 procentinik appariarisimavoq. Ilisimatusarluni bachelorinngorniarnerni naammassinnittarnerup procentia appariartuaarusaarsimavoq 2012-imili appasinnerpaasimalluni.

2011-mi professionsbachelorinngorniarlutik ilinniakkamik aallartissimasut 52 procentiisa ukiut sisamat qaangunnerini ilinniagaq aallartissimasartik naammassisimavaat. Ukiullu marluk qaangiuteqqinnerini 60 procentinut amerleriarsimapput. Taamaasilluni naammassinnittarnermut procentiat ukiup siuliani aallartissimasunut sanilliullugu 5 procentinik pitsanngoriarsimavoq.

2013-imi kandidatinngorniarlutik ilinniakkamik aallartitsisimasut amerlasuut ilinniakkap sivisussusilerneqarnera malillugu ilinniakkaminnik naammassinnissimapput. Ukiut marluk ingerlanerini 26 procentiisa ilinniagartik naammassisimavaat, ukiulli sisamat ingerlanerini 57 procentii naammassinnissimallutik. Naammassinnittarnermut procentip 2012-imili aallartissimasut naammassinnittarnermut procentiat annertoqatigaa.

Titartagaq 1. Ingerlariaqqiffiusumik ilinniarfinni naammassinnittarnermut procenti, 2011-mi, 2012-imili aallartittut malillugit



Nalunaarut: Naammassinnittarnermut procenti ukiup pineqartup naanerani naatsorsorneqarpooq, ukirolu siullermeeluni ilinniakkamik aallartitsivik ungaluuserlugu ilangunneqarpooq; Ingerlariaqqiffiusumik ilinniakkat naatsut (2013), bachelorinngorniarnerit (2012), professionsbachelorinngorniarnerit (2011), kandidatinngorniarnerit (2013). Ilinniakkat sivisussusilerneqarneri ukiq kaajallallugu naatsorsorneqarput.

Najoqputaq: Naatsorsueqqissaartarfik- kisitsaataasivimmi kisitsisit takukkit (<http://bank.stat.gl/UDDISC11L>).

Arnat angutinit amerlanerusut ilinniakkamik naammassinnissimapput

Arnat angutinit amerlanerusut ingerlariaqqiffiusumik ilinniarfimmik aallartitsisarpuit. Taamatuttaaq arnat amerlanerpaartaat naammassinnittarput.


2013-imi ingerlariaqqiffiusumik ilinniarfinni naatsuni aallartissimasut assiinngissutiginerpaasimavaat arnat 74 procentiisa ukiut sisamat

ingerlanerini ilinniagartik naammassisimammasuk, pineqartullu angutinut kisitsisaat 44 procentiusimalluni.

Professionsbachelorinngorniartut naammassinnitarnermut kisitsisaanni aammattaaq arnat malunnartumik amerlanerusimapput. Ilinniakkamilli toqqaanermi aamma assigiinngissuteqartoqarpoq. 2011-mi arnat perorsaasunngorniarlutik aallartikkajunnerusarput, angutillu ingeniorinngorniarluni ilinniakkanik aallartitsinerusarlutik.

Taamaallaat 2012-imni ilisimatusarluni bachelorinngorniarnernik aallartitsisimasuni suaassutsit akornanni naammassinnitarnermut procenti assigiinngissuteqanngilaq.

Titartagaq 2. Ingerlariaqqiffiusumik ilinniarfinni ukiunik marlunni sivisunerusumillu sivisussuseqartuni naammassinnitarnermut procenti, 2011-mi, 2012-imilu 2013-imilu aallartittut suaassusaat malillugu




Nalunaarut: Naammassinnitarnermut procenti ukiup pineqartup naanerani naatsorsorneqarpoq, ukiorlu siullermeerluni ilinniakkamik aallartitsivik ungaluuserlugu ilanganneqarpoq; Ingerlariaqqiffiusumik ilinniakkat naatsut (2013), bacheloringorniarerit (2012), professionsbacheloringorniarerit (2011), kandidatinngorniarerit (2013). Ilinniakkat sivisussusilerneqarneri ukioq kaajallallugu naatsorsorneqarput.

Najoqtaq: Naatsorsueqqissaartarfik- kisitsisaataasivimmi kisitsisit takukkit (<http://bank.stat.gl/UDDISC11L>).

Kalaallit Nunaanni naammassinnitarneq qaffasinnerusoq

Nuna ilinniarfik malillugu naammassinnitarnermut procentit annertuumik assigiinngissuteqarput. Kalaallit Nunaanni ingerlariaqqiffiusumik ilinniarfinni naatsuni naammassinnitarnermut procenti Kalaallit Nunaata avataani ilinniakkani marloriaammik qaffasinneruvoq. Kalaallit Nunaanni ingerlariaqqiffiusumik ilinniakkani naatsuni professionsbachelorinngorniarernilu ilinniartut 79 procentit 69 procentillu naammassinnissimasut Kalaallit Nunaata avataani ilinniartut 35 procentii 30 procentillu naammassinnissimapput. Akerlianik Kalaallit Nunaata avataani kandidatinngorniartut naammassinnitarnerat malunnartumik qaffasinneruvoq, Kalaallit Nunaata avataani ilinniartut 70 procentii naammassinnissimasut Kalaallit Nunaanni ilinniartut 29 procentii naammassinnissimmata.

Titartagaq 3. Ingerlariaqqiffiusumik ilinniarfinni ukiunik marlunniq sivisunerusumillu sivisussuseqartuni naammassinnittarnermut procenti, 2011-mi, 2012-imilu 2013-imilu aallartittut nuna ilinniarfiat malillugu




Nalunaarut: Naammassinnittarnermut procenti ukiup pineqartup naanerani naatsorsorneqarpooq, ukiorlu siullermeerluni ilinniakkamik aallartitsivik ungaluuserlugu ilangunneqarpooq; Ingerlariaqqiffiusumik ilinniakkat naatsut (2013), bachelorinngorniarnerit (2012), professionsbachelorinngorniarnerit (2011), kandidatinngorniarnerit (2013). Ilinniakkat sivisussulerneqarneri ukioq kaajallallugu naatsorsorneqarput.

Najoqquaq: Naatsorsueqqissaartarfik- kisitsisaataasivimmi kisitsisit takukkit (<http://bank.stat.gl/UDDISC11L>).

Ilinniakkap qaffassisusaanik aallartissimasamik naammassinnittarneq

Ilinniartut ilaasa ilinniakkamik aallartissimasaminnik toqqaasimanertik peqqissimissutigisarpaat. Ilinniagaq aallartissimasartik unitsillugu allamik ilinniakkamik naammassinnittarput. 2010-mi siullermeerlutik ingerlariaqqiffiusumik ilinniakkamik aallartitsisimasut 60 procentii ukiut arfineq-marlk ingerlanerini ingerlariaqqiffiusumik ilinniakkamik naammassinnissimapput. Taakkunannga 13 procentit ilinniakkap qaffassisusaani aallartissimasaraluaminnit allaanerusumi ilinniakkamik naammassinnissimapput. Pingaartumik ilisimatusarluni bachelordinngorniarnerminngaanneersut amerlasuut unitsitsisarput sammivimmillu allamik aallartitsillutik soorlu professionsbachelorinngorniarnerik imaluunniit ingerlariaqqiffiusumik ilinniarnerik naatsunik. 2010-mi bachelordinngorniarlutiik aallartissimasut 27 procentiisa ukiut arfineq-marlk ingerlanerini ilinniagartik naammassisimavaat, 28 procentilli ingerlariaqqiffiusumik ilinniarfimmik allamik qaffassisusilimmik naammassinnissimallutik.

Titartagaq 4. Ingerlariaqqiffiusumik ilinniarfimmi aallartinnermiit ukiut arfineq-marluk qaangiunnerini ilinniakkap killiffia, 2010-mi aallartittut malillugit



*Ingerlariaqqiffiusumik ilinniakkap qaffasissusaanik allamik naammassinnissimasut.

Nalunaarut: Ilinniakkap killiffia ukiup naanerani ilinniartunut 2010-mi inuuusuttunut ilinniarfimmik siullermeerlutik aallartitsimasunut naatsorsorneqarpooq.

Najoqquataq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDDISC11L>).

Eqikkaaneq

Tabel 1. Ingerlariaqqiffiusumik ilinniarneq naatsoq, 2013-imni aallartittut

2013-2017	Katillugit amerlassusaat	Procentinngorlugit			
		Ukiut marluk ingerlanerini naammassisut	Ukiut sisamat ingerlanerini naammassisut	Suli ingerlatsisut	Unitsitsisut
Katillugit	80	52,5	58,8	-	41,3
Angutit	41	41,5	43,9	-	56,1
Arnat	39	64,1	74,4	-	25,6
Kalaallit Nunaanni	43	69,8	79,1	-	20,9
Kalaallit Nunaata avataani	37	32,4	35,1	-	64,9

Nalunaarut: Ilinniakkap killiffia ukiup naanerani ukiumi siullermeerluni ilinniakkamik aallartitsiffiusumi naatsorsorneqarpooq.

Najoqquataq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDDISC11L>, <http://bank.stat.gl/UDDISC11M>).

Tabel 2. Bachelorinngorniarneq, 2012-imí aallartittut

2012-2017	Katillugit amerlassusaat	Procentinngorlugit			
		Ukiut pingasut ingerlanerini naammassisut	Ukiut tallimat ingerlanerini naammassisut	Suli ingerlatsisut	Unitsitsisut
Katillugit	140	10,7	23,6	5,7	70,7
Angutit	56	16,1	23,2	3,6	73,2
Arnat	84	7,1	23,8	7,1	69,0
Kalaallit Nunaanni	56	8,9	25,0	10,7	64,3
Kalaallit Nunaata avataani	84	11,9	22,6	2,4	75,0

Nalunaarut: Ilanniakkap killiffia ukiup naanerani ukiumi siullermeeluni ilanniakkamik aallartitsiffiusumi naatsorsorneqarpooq.

Najoqqutaq: Naatsorsueqqissaartarfik – kisitsaataasivimmi kisitsisit takukkit (<http://bank.stat.gl/UDDISC11L>, <http://bank.stat.gl/UDDISC11M>).

Tabel 3. Professionsbachelorinngorniarneq, 2011-mi aallartittut

2011-2017	Katillugit amerlassusaat	Procentinngorlugit			
		Ukiut sisamat ingerlanerini naammassisut	Ukiut arfinillit ingerlanerini naammassisut	Suli ingerlatsisut	Unitsitsisut
Katillugit	267	51,7	60,3	3,0	36,7
Angutit	61	31,1	42,6	3,3	54,1
Arnat	206	57,8	65,5	2,9	31,6
Kalaallit Nunaanni	210	58,1	68,6	3,3	28,1
Kalaallit Nunaata avataani	57	28,1	29,8	1,8	68,4

Nalunaarut: Ilanniakkap killiffia ukiup naanerani ukiumi siullermeeluni ilanniakkamik aallartitsiffiusumi naatsorsorneqarpooq.

Najoqqutaq: Naatsorsueqqissaartarfik – kisitsaataasivimmi kisitsisit takukkit (<http://bank.stat.gl/UDDISC11L>, <http://bank.stat.gl/UDDISC11M>).

Tabel 4. Kandidatinngorniarneq, 2013-imí aallartittut

2013-2017	Katillugit amerlassusaat	Procentinngorlugit			
		Ukiut marluk ingerlanerini naammassisut	Ukiut sisamat ingerlanerini naammassisut	Suli ingerlatsisut	Unitsitsisut
Katillugit	47	25,5	57,4	12,8	29,8
Angutit	12	16,7	50,0	8,3	41,7
Arnat	35	28,6	60,0	14,3	25,7
Kalaallit Nunaanni	14	7,1	28,6	42,9	28,6
Kalaallit Nunaata avataani	33	33,3	69,7	-	30,3

Nalunaarut: Ilanniakkap killiffia ukiup naanerani ukiumi siullermeeluni ilanniakkamik aallartitsiffiusumi naatsorsorneqarpooq.

Periaaseq

Siunertaq

Kisitsisitigut paasissutissani matumani siunertaavoq ilinniartut qanoq amerlatigisut ilinniakkamik aallartissimasaminnik naammassinnissimancerisa unitsitsisimanerisalu naatsorsorneqarnissaat. Kisitsisitigut paasissutissat siornatigut ilinniakkamik unitsitsisartut paasissutissaannut taarsiissutaapput.

Taamatuttaaq ilinniartut qanoq amerlatigisut ilinniakkap aallartinneranit ilinniakkap qaffassisusaanik naammassinnissimasut naatsorsorneqarput. Kisitsisinilu paasissutissani matumani ilinniakkap qaffassisusaani ataatsimi ilinniakkap sammuvianik allanngortitsisarneq sillimaffigineqarpoq.

Nalunaarsuutit tunngaviusut

Piffissami 2003-miit ullumikkumut ilinniakkanik aallartitsisunut, ilinniakkanik ingerlatsisunut ilinniakkanillu naammassinnissimasunut nalunaarsuisarfiit tunngavigalugit kisitsisitigut paasissutissat suliarineqarput.

Ilinniartut siullermeerlutik ilinniakkamik aallartitsisut aammalu siullermeerlutik ilinniakkap pineqartup qaffassisusaanik aallartitsisut aallaavagineqarput.

Ilinniakkat qaffasisusaat International Standard Classification of Education 2011-meersooq malillugu immikkoortiterneqarput. Naatsorsueqqissaartarfip ilinniartitaanerup iluani taaguutit pillugit saqqummersinnikuusaani ilinniakkami pineqartumi imaluunniit ISCED-i malillugu immikkoortiterinermi ilinniakkat suut pineqarnersut takuneqarsinnaapput. Taassuma saniatigut Naatsorsueqqissaartarfik Kalaallit Nunaanni ilinniakkat, ilinniakkap qaffasisusa malillugu, immikkoortiternerat takussutissiaraa. Taaguutit takussutissiarlu www.stat.gl –imi Ilinniartitaanermut tunngasut ataanni nassaarineqarsinnaavoq. Saqqummersitami kingullerpaami Periaatsimut immikkoortoq takuuq.

Kisitsisini paasissutissani inuussutissarsiornermik ilinniakkat naatsunut nalinginnaasunullu immikkoortiterneqarput. Inuussutissarsiornermik ilinniarnerit sivikinnerit ukiut marluk inorlugit sivisussuseqartut tassaasinnaapput eqqumiitsuliornermik ilinniarneq, tapersersuisutut ilinniarneq portøritullu ilinniarneq. Imarsiornermi ilinniarnerup iluani modulikkaartumik ilinniakkat aamma ilanngunneqarput. Ingerlariaqqiffiusumik ilinniakkani naatsuni niuernermik ilinniarfimmi qaffasinnerusumik ilisimatusarnerit, procesteknikeritullu ilinniarneq ilanngunneqarput. Bachelorinngorniarnerit professionsbachelorinngorniarnernut nalinginnaasumillu bachelorinngorniarnernut immikkoortiterneqarput. Professionsbachelorinngorniarnerit tassaapput meeqqat atuarfianni ilinniartitsisunngorniarneq, peqqissaasunngorniarneq

tusagassiortunngorniarnerlu, nalinginnaasumillu bachelorinngorniarnerit tassaallutik inuiaqatigiilerinermi ilisimatusarneq, erhvervsøkonomi iluani ilisimatusarneq aammalu teologi-mik ilisimatusarneq.

Periaaseq

Ilinniakkamik aallartitsisut ukiumi aallartiffiannit ukiut 1-10 qaangiunnerini ilinniartunut suli ingerlatsisunut nalunaarsuisarfianni ataatsimut ingerlanneqarput, tulliullugulu ilinniakkamik naammassinnissimasut nalunaarsuisarfianni ingerlateqqinneqarlutik. Ukiut tamaasa ukiumi pineqartumi ilinniartut suli ilinniakkamik ingerlatsisutut imaluunniit ukiut kingulliit ilaanni ilinniakkamik naammassinnissimasutut killifilerneqartarput. Ilinniartut suli ilinniakkamik ingerlatsisutut imaluunniit naammassinnissimasutut nalunaarsorneqarsimanngitsut "unitsitsisimasutut" killifilerneqarput.

Ilinniartut ukiumi pineqartumi ilinniakkamik unitsitsisut ukiullu tulliani ilinniagaq aallarteqqillugu, ukiumi siullermi unitsitsisimasutut ukiullu tulliani ingerlatsisutut naatsorsorneqarput.

Ilinniagaq ataaseq pineqaraluartoq ilinniakkat ilai assigiinngitsunik ilisarnaasersugaapput. Ilinniagaq ataaseq assigiinngitsunik ilisarnaasersugaq sapinngisamik ilisarnaammut ataatsimut ingerlatinniarneqarpoq.

Naatsorsuineq

Ilinniakkat killiffiinut kisitsisitigut paasissutissat ilinniakkat aallartinneranit ukiut tulliuttut 1-10 qaangiunnerini suli ilinniakkamik ingerlatsisutut, naammassinnissimasutut unitsitsisimasutulluunniit naatsorsorneqarput.

Tabelini ilinniarnermi killiffiit naatsorsukkat tassaapput:

- Ilinniakkami aallartinneqarsimasumi killiffik
- Ilinniakkap qaffasissusaani aallartinneqarsimasumi killiffik

Tabelimi kingullermi ilinniartut ilinniakkap qaffasissusaani ataatsimi ilinniakkap sammivianik allangortitsisut sillimaffigineqarput.

Kisitsisitigut paasissutissani pineqartuni ilinniakkap qaffasissusaa, nuna ilinniarfik suaassuserlu malillugit naatsorsuiqarpoq.

Killiliinerit erseqqissagassallu

"Unitsitsinermut" killiffimmi ilinniakkamik unitsitsigallartut ilaapput.

Kisitsisini paasissutissani matumanilinniakkat killiffii ilinniakkami pineqartumi ilinniakkallu qaffasissusaani pineqartumi taamaallaat naatsorsorneqarput. Ilinniakkamik unitsitsisut unitsitsereernerup kingorna ilinniakkap qaffasissusaani allami ilinniakkamik allamik aallartitsillutilu naammassinnissimasinnaapput.

Ilisarnaatinut nassuaatit
... Paassisutissat pigineqanngillat
.. Paassisutissat tatiginangitsut ilisarinnilersitsisinnaasullunniit
. Kisitsitaqarsinnaanngitsut
0 Affaanit mikinerusut
- Nul
* Kisitsisaagallartut imaluunniit missingersuut

Saaffissaq

Randi Mortensen
E-mail: rand@stat.gl

Ilinniartitaaneq

Naatsorsueqqissaartarfik
Postboks 1025 · 3900 Nuuk
Oqar.: +299 34 57 70 · Fax: +299 34 57 90
www.stat.gl · e-mail: stat@stat.gl

